

中炎以來
鄒野
禰記

重刊
大正
八年
十月
廿四
日
公

建炎以來朝野雜記卷十一

甲集

宋李心傳撰

官制二

宣撫使

宣撫使祖宗時不常置有軍旅大事則命執政大臣爲之累朝但除向文簡范文正富文忠文忠烈韓獻肅五人仁宗征儂智高以狄青爲宣撫使武臣爲宣撫自此始熙寧末神宗命郭逵討交趾逵前執政然但以招討使爲名惜之也建炎三年張魏公以知樞密院事爲宣撫處置使其後杜丞相周仲弼孟富文趙元鎮虞井甫王公明鄭仲一沈德之輩皆自二府出爲之虞公始以元樞除資政殿大學士矣上恐未足

爲重后二日乃復帶知樞密院事焉若前宰相爲宣撫者則自渡江以後亦止除李伯紀呂元直朱藏一三人紹興元年劉光世以使相宣撫淮南武臣非執政而爲宣撫使自此始二年李泰發以端明殿學士爲壽春等州宣撫使文臣非執政而爲宣撫使自此始然自紹興至嘉泰武臣止劉光世韓世忠張俊吳玠岳飛吳玠六人從官止李泰發王伯召二人蓋重之也紹興末詔以楊存中爲江淮宣撫使劉恭父不書錄黃遂寢其命時又詔虞并甫以兵部尙書爲湖北京西宣撫副使會存中命格於是復改川陝宣諭使而存中措置兩淮焉

宣撫處置使

宣撫處置使舊無有張魏公始爲之其行移於六曹寺監帥司皆用劄子而六曹於宣司用申狀紹興四年趙忠簡使川陝六年韓忠武使京東淮東皆帶處置字入銜然忠簡後不行而韓在山陽特隆其名而已非魏公處置之比也故事大臣爲宣撫使者於三省樞密院皆用申狀若建都督府則止用關而已隆興初魏公以少傅爲江淮宣撫使頃之拜樞密使都督江淮軍馬及符離師潰內外紛然公上表待罪上曰罷樞密使宰相陳魯公曰如此則是罷政乃降特進復爲宣撫使陳正獻公時參贊軍事言於孝宗曰降官示罰自古所有今雖張浚自請然人情觀望徒使號令不行請復正其名上不從周元特時爲侍御史亦言官爵者人臣一己之私其

人有罪隨卽貶降可也若都督之名則國家用人之權柄豈得亦行遞減上納其言遂復督府之名矣凡前兩府及從官爲宣撫使於六部用申狀總領所用公牒監帥司及所部郡縣得用劄子云

魏公爲江淮宣撫使申明行移除三省樞密院外並用劄子蓋以少傳劄六部也

宣撫副使

宣撫副使舊無有建炎三年周仲弼宣撫兩浙以郭太尉

荀仲

副之武臣爲宣副自此始其後福建韓世忠川陝吳玠皆有此授紹興二年張忠獻旣被讒將召歸先爲置副命王伯召廬立之爲之文臣爲宣副自此始其後邵澤民踵爲之然但帶權字紹興中胡承公鄭亨仲在川陝岳鵬舉在荆襄楊存中在淮北皆不置宣撫使而數人者第以副使爲名蓋斬之

也久之鵬舉落副字其餘則否

宣撫判官

宣撫判官者熙寧初韓康公使陝李邦直以知制誥爲判官實上幙也紹興中劉彥冲嘗受張魏公便宜之命爲宣判其後張宗元呂祉亦爲之十年楊和王以太尉爲淮北宣撫副使劉信叔以節度使爲判官二帥禮抗權均猶轉運副使判官之比非復熙寧之制矣

宣撫使官屬

宣撫使官屬者張魏公出使張通夫

深

以端明殿學士程純

老

唐

以寶文閣學士王子尚

庶

以龍圖閣待制並爲謀議官

劉彥冲

子羽

以徽猷閣待制爲參贊軍事趙應祥

開

以祕閣

修撰爲隨軍轉運使傅彥濟

秀馮元通

康國

以尙書郎幹辦

公事皆非常制也紹興四年始著令參謀視提點刑獄參議
視轉運判官機幹在諸州通判之上至今不改

招討使

招討使古官也熙寧間始命郭宣徽一人建炎四年李成圍
江州詔以張循王爲江西招討使位宣撫使下制置使之上
著爲令紹興五年以岳鵬舉爲湖北襄陽招討使鵬舉請州
縣官不法害民者許移罷從之十年兀朮掠三京以韓張岳
三帥兼河南北招討使三十一年海陵南牧以吳玠劉錡成
閔吳拱李顯忠兼陝西河東北京東西招討使蓋遙領其地
非張岳之比也隆興元年以顯忠爲淮南京畿京東河北招

討使邵宏淵副之未領職卽罷

招撫使 招撫處置使

招撫使古無有澤化末李順據成都趙景肅

昌言

以參知政

事爲川陝招撫使後不復置建炎初李伯紀奏以張龍圖

所

爲河北招撫使所益都人嘗爲監察御史喜言兵汪廷俊等
惡之未及出師而所廢紹興十年北兵取河南地制以劉雍

公

光世

爲三京招撫處置使以援劉錡會兀朮已敗乃駐軍

太平州踰年復罷三十一年孝宗卽位以成閔張子蓋李顯
忠三大將爲湖北京西淮東西招撫使子蓋死劉寶代之逮
和議成乃罷

制置大使

制置大使古無有紹興三年趙忠簡始爲江西制置大使其
後席大光帥潭益李伯紀帥江西呂元直帥河南皆領之大
光在成都得旨位宣撫副使上凡監司不法許舉案八年李
泰發爲江西帥以前執政亦帶安撫制置大使是歲大光以
憂去胡承公自給事代之始去大字至今不改

制置使

制置使自熙豐後多以武臣爲之建炎元年郭太尉仲荀制

置東南盜賊請監帥司並聽節制許之其後王襄愍淵劉武

僖光世韓忠武世忠張忠烈俊岳武穆飛吳武安玠關毅勇

師古劉忠武錡皆爲制置使掌兵事建炎末議者令帥臣悉

帶制置使張達明爲江州帥以便宣竭取屬郡之財上聞之

詔除用兵聽依便宜餘悉禁止其它刑獄財賦事則歸之監

司焉

三年又八月己亥十一月辛亥詔旨

四年遂罷制置使之名惟統兵官如

故自休兵後獨成都守臣帶四川安撫制置使掌節制御前軍馬官員升改放散類省試舉人銓量郡守舉辟邊州守貳其權略視宣撫司惟財計茶馬不與又有沿海制置使以明州守臣領之然其職止肅清海道節制水軍非四川之比也

宣諭制置使

宣諭制置使舊無有紹興元年上以江湖寇盜多貢賦不繼乃命孟富文以戶部尙書充江東西河南宣諭制置使理財治盜富文未行而秉政遂以爲福建宣撫使焉

宣諭使

宣諭使舊有之以宣諭德意爲職而已不與軍事渡江後所遣尤數紹興二年冬分遣御史五人宣諭東南諸路觀風問俗平反獄訟宣布德意踰年乃還六年又遣范右司直方宣諭川陝九年又遣方察院庭實宣諭三京皆使者職也時李察院宋被旨宣諭江西乃專督捕盜遂罷爲廣西提刑是年新復陝西詔樓仲輝以僉書樞密院事往永興宣諭鄭亨仲以祕書少監爲參謀予衛卒千人因制置移屯等事宣諭之權自此重矣十一年鄭亨仲宣諭川陝始建使名得與邊事三十一年汪中丞澈宣諭京西河北得旨撫勞將士體訪事宜三十二年虞雍公宣諭川陝乃專招軍買馬其年王瞻叔代之亦參軍政蓋自鄭亨仲後其權任在宣撫之亞焉

撫諭使

撫諭使建炎元年以路公彌耿伯順爲京城撫諭使副始建使名四年以中書舍人李正民爲浙江湖南撫諭使且令按察官吏能否伸理民間屈抑紹興元年以吏部侍郎傅崧卿爲淮東撫諭使采訪民間利病及措置營田等事後不復置建炎初又命御史馬伸等八人撫諭東南兩河川陝三年命吏部郎中方聞撫諭淮東紹興二年命吏部郎中周隨亨駕部員外郎李愿二人撫諭川陝皆不帶使字其餘如建炎末周文若太傅使勞李成賜以器幣紹興初胡承公察院督捕閩盜亦皆以撫諭使爲名云

鎮撫使

鎮撫使舊無有建炎四年上自海道還會稽時江湖荆浙皆爲金人所蹂而郡盜連衡以據州郡大者至十餘萬朝廷不能制范覺民爲參知政事謂此皆烏合之眾急之則併死以拒官軍莫若析地以處之盜有所歸則可以漸制乃言於上請稍復藩鎮之制少與之地而專付以權擇人久任以屏王室羣臣多以爲不可覺民曰今諸郡爲盜據者已十數曷若朝廷爲之使恩有所歸上亦決意行之其五月覺民爲右僕射是月甲子覺民請以淮南京東西湖南北諸路並分爲鎮除茶鹽之利仍歸朝廷置官提舉外佗監司並罷上供財賦權免三年餘聽帥臣移用更不從朝廷應付遇軍興聽從便宜仍許世襲上曰便令世襲恐太重當俟其別立大功然后

許之時劇盜李成在舒蘄桑仲在襄鄧郭仲威在維楊薛慶在高郵皆卽以爲鎮撫使其後河南翟興山陽趙立歷陽劉蒞東海李彥先與薛慶皆戰死而淮寧馮長寧以地降劉豫紹興初諸鎮或亡或死遂不復除久之但餘荆南解潛而已五年趙元鎮相召潛主管馬軍遂罷鎮撫使蓋鎮撫使之有聲者文臣惟陳規武臣惟岳飛王彥解潛李橫耳

發運使

發運使祖宗盛時有之置司眞州歲漕江湖粟六百萬斛以贍中都渡江後江湖寇盜多發運司第職糴買而已紹興二年正月遂罷發運司以其錢帛赴行在八年起居舍人句龍如淵建言戶部非生財之地請置諸路水陸度支轉運等使

置司蘇杭戶部侍郎李彌遜因請復置發運司別給糴本錢數百萬緡廣行儲積分毫不得取供近用以待恢復之須徽猷閣待制程邁爲江淮荆浙閩廣經制發運使專掌糴事邁入辭上疏言唐劉晏爲九使財賦悉歸於一國朝始分爲二而三司使居中發運使居外相爲表裏今租庸分於轉運司常平分於提舉司鹽鐵分於茶鹽司以至鼓鑄則有院治司平準則有市易司總之以戶部而發運使徒有其名固辭不行上不許已而右諫議大夫李誼請令檢察營田市易等事俾總六路而制其盈虛亦不行第令和糴而已其冬李泰發秉政以爲虛糜廩祿請罷發運而復常平九年正月遂廢發運使以戶部侍郎梁汝嘉爲經制使乾道六年虞丞相當國

三月奏復發運司以戶部侍郎史正志爲江浙京湖淮廣福建等路都大發運使朝論不以爲宜汪聖錫黃通老二尙書言之尤力執政皆不之聽然正志實無能爲但峻督諸司州郡多取羨財而已其年十二月正志以奏課誕謾貶乃復廢發運使焉

經制使

經制使者宣和間陳亨伯資政始以大漕兼之亨伯創比較酒務及以公家出納錢量取其贏以佐用度其後翁端朝中丞繼爲之紹興初與發運俱罷九年正月復置以戶部侍郎梁汝嘉爲使司農少卿霍蠡爲判官以檢察內外失陷錢物舉催未到綱運措置糴買總領常平爲職未幾曾諫議

統

言